



## SIJIL TAKAFUL KELUARGA BERKELOMPOK BAGI GURU-GURU DAN PENUNTUT-PENUNTUT

<b>Kandungan</b>		<b>Muka Surat</b>
Bahagian 1	Takrif-Takrif dan Tafsiran-Tafsiran	2
Bahagian 2	Terma-Terma dan Syarat-Syarat	6
Bahagian 3	Kelayakan	11
Bahagian 4	Perlindungan	12
Bahagian 5	Pengecualian-Pengecualian	15
Bahagian 6	Tuntutan-Tuntutan	17

## **Sijil Takaful Keluarga Berkelompok Bagi Guru-Guru dan Penuntut-Penuntut**

---

### **SIJIL TAKAFUL KELUARGA BERKELOMPOK BAGI GURU-GURU DAN PENUNTUT-PENUNTUT**

BAHAWASANYA pemegang sijil (selepas ini disebut sebagai **Peserta**) sebagaimana dinamakan di dalam Jadual yang dilampirkan (selepas ini disebut sebagai **Jadual**) dengan ini bercadang untuk melindungi orang-orang yang dinyatakan di dalam Jadual (selepas ini disebut sebagai **Orang yang Dilindungi**) oleh Istiharan Cadangan bertulis yang akan menjadi asas kepada perjanjian dan disifatkan sebagai diperbadankan dalam Sijil ini telah memohon kepada Takaful Brunei Keluarga Sdn Bhd (selepas ini disebut sebagai **Syarikat**) untuk menyertai takaful ini dan mengambil pertimbangan daripadanya, telah membayar sumbangan takaful kepada Syarikat sebagaimana yang dinyatakan di dalam Jadual, selaras dengan Undang-Undang Brunei Darussalam.

**SIJIL INI SEKARANG MENYAKSIKAN** bahawa bersabit daripada kejadian-kejadian yang berlaku semasa tempoh takaful yang dinyatakan di dalam Jadual dan tertakluk kepada terma-terma, pengecualian-pengecualian, peruntukan-peruntukan dan syarat-syarat yang termaktub di dalam Sijil atau diendoskan ke atasnya (selepas ini secara rangkuman disebut sebagai Terma-Terma Sijil ini).

### **BAHAGIAN 1 : TAKRIF-TAKRIF DAN TAFSIRAN-TAFSIRAN**

#### **TAKRIF-TAKRIF:**

Kecuali sebaliknya dikehendaki oleh konteks, takrif-takrif berikut akan digunakan: -

#### **Kemalangan**

Bermakna kecederaan tubuh badan yang hanya disebabkan oleh kekerasan, kemalangan, faktor luaran dan nampak kelihatan dan bukan disebabkan oleh satu-satu sakit, penyakit atau keadaan fizikal dan mental yang merosot.

#### **Perkataan Sijil**

Bermakna keseluruhan Sijil yang merangkumi perjanjian asas, cadangan, kenyataan peribadi dan setiap kenyataan yang dibuat oleh Peserta dan semua Perjanjian-Perjanjian Tambahan dan endosmen-endosmen yang tergabung di dalam Jadual atau diendoskan kemudiannya dan semua pindaan-pindaan bertulis yang dibuat oleh Syarikat.

#### **Diwadkan**

Bermakna dimasukkan ke dalam wad Hospital atas perakuan seorang Doktor dan tinggal secara berterusan untuk tempoh minima sebagaimana dinyatakan di dalam Bahagian 4 – Perlindungan, sebelum dikeluarkan, yang dibuktikan dengan kos bilik dan penginapan yang dikenakan oleh Hospital.

#### **Tarikh Kuatkuasa**

Bermakna tarikh mula penyertaan atau pembaharuan perlindungan sebagaimana yang dinyatakan di dalam Jadual atau Endosmen.

#### **Hospital**

Bermakna mana-mana institusi yang beroperasi secara sah di sisi undang-undang, menyediakan khidmat kejururawatan oleh jururawat yang berdaftar dua puluh empat (24) jam sehari, mempunyai seorang atau lebih doktor perubatan sepanjang masa dan menyediakan kemudahan untuk diagnosa dan pembedahan besar, dan bukan semata-mata merupakan sebuah klinik, pusat penempatan penagih arak atau dadah, rumah penjagaan kejururawatan bagi pemulihan atau rumah orang-orang tua atau yang seumpamanya

## **Sijil Takaful Keluarga Berkelompok Bagi Guru-Guru dan Penuntut-Penuntut**

---

### **Penyakit**

Bermakna penyakit yang dihadapi dan / atau bermula selepas tiga puluh (30) hari daripada tarikh berkuatkuasa atau tarikh endosmen, mana-mana yang terkemudian.

### **Kecederaan**

Bermakna kecederaan tubuh badan yang disebabkan secara langsung oleh kemalangan yang tidak disengajakan dan bebas daripada sebab-sebab lain, yang mana, kecuali bagi kejadian lemas atau kecederaan dalam yang dimaklumkan oleh bedahsiasat, terdapat bukti yang dapat dilihat sama ada lebam atau luka pada anggota luar.

### **Peserta**

Bermakna Pemilik yang menyertai di bawah pelan takaful ini. Peserta bukan semestinya Orang yang Dilindungi.

### **Tempoh Takaful**

Bermakna tempoh takaful sebagaimana yang dinyatakan di dalam Jadual, termasuk juga apa-apa pemanjangan jangka waktu perlindungan yang mungkin diberikan di atas budi bicara pihak Syarikat.

### **Orang yang Dilindungi**

Bermakna seperti yang ditakrifkan di bawah Bahagian 3, Kelayakan.

### **Doktor**

Bermakna seorang yang mempunyai kelayakan dan berdaftar sebagai pengamal perubatan yang berlesen di bawah mana-mana undang-undang yang berkaitan dan bekerja di dalam ruang lingkup lesen dan latihannya sahaja. Doktor yang merawat bukan Orang yang Dilindungi atau rakan perniagaan Orang yang Dilindungi, majikan, pekerja, ejen atau orang yang mempunyai pertalian persaudaraan dengan Orang yang Dilindungi dari segenap segi.

### **Keadaan-Keadaan Sedia Ada**

Bermakna kecederaan, penyakit, keadaan atau gejala:

- a) yang mana rawatan atau perubatan atau nasihat atau diagnosa penyakit telah dilakukan atau diterima atau dijangka sebelum Sijil berkuatkuasa bagi Orang yang Dilindungi berkenaan, atau
- b) yang mana berasal dari atau Orang yang Dilindungi itu tahu akan kewujudannya (atau sesiapa sahaja yang dilindungi di bawah Sijil) sebelum daripada Sijil berkuatkuasa sama ada atau tidak rawatan atau perubatan atau nasihat atau diagnosa penyakit telah dilakukan atau diterima.

### **Jadual**

Bermakna Jadual Sijil ini dan maklumat yang mengandungi butiran Peserta, Manfaat Asas dan Tambahan jika ada, Sumbangan, dan Tempoh Takaful.

### **Jumlah Perlindungan**

Bermakna jumlah maksimum manfaat yang dibayar oleh Syarikat.

### **Perjanjian-Perjanjian Tambahan**

Bermakna manfaat tambahan atau perlindungan kepada Sijil Asas untuk Sumbangan tambahan yang diluluskan oleh Syarikat dan hanya berkuatkuasa apabila digabungkan bersama Jadual atau diendoskan kemudiannya dan apabila ianya bergabung atau diendoskan ia menjadi sebahagian daripada Sijil.

## **Sijil Takaful Keluarga Berkelompok Bagi Guru-Guru dan Penuntut-Penuntut**

---

### **Tabarru'**

Bermakna satu komitmen oleh semua Peserta takaful untuk menderma di dalam satu dana atau satu kumpulan wang bagi tujuan sama-sama menanggung risiko kerugian.

### **Keilatan Kekal Seluruh Tubuh Badan**

Bermakna keilatan, sama ada disebabkan oleh kecederaan tubuh badan atau penyakit sebagaimana dinyatakan di Jadual Manfaat-Manfaat. Walaubagaimanapun untuk menentukan sama ada Keilatan Seluruh Tubuh Badan itu menjadi kekal, keilatan tersebut mestilah berterusan tanpa gangguan bagi selama tempoh tidak kurang enam (6) bulan.

Kehilangan bagi tangan dan kaki bererti hilang fungsi; bagi mata, hilang daya penglihatan sepenuhnya dan tidak dapat dipulihkan semula.

### **Tempoh Menunggu**

Bermakna tempoh tiga puluh (30) hari daripada tarikh berkuatkuasa / endosmen. Tiada manfaat disebabkan oleh penyakit yang berlaku semasa tempoh tersebut akan dibayar. Pembaharuan Sijil selepas tiga puluh (30) hari daripada tarikh mansuh akan mengakibatkan Tempoh Menunggu baru dikenakan.

### **Wakalah**

Bermakna perjanjian dimana Peserta melantik Syarikat sebagai Wakil untuk mentadbir, mengurus, membuat pelaburan dan mengagihkan Kumpulan Wang tersebut kepada peserta-peserta yang ditimpa musibah dan Peserta bersetuju untuk memberikan Yuran Wakalah bagi perkhidmatan-perkhidmatan tersebut.

### **Wasi**

Bermakna pemegang amanah untuk menerima manfaat jika Orang yang Dilindungi meninggal dunia.

## Sijil Takaful Keluarga Berkelompok Bagi Guru-Guru dan Penuntut-Penuntut

---

### TAFSIRAN-TAFSIRAN

1. Kecuali apabila konteksnya memberi erti berbeza, setiap rujukan Sijil ini untuk jantina lelaki juga memberi erti untuk jantina perempuan, jantina berkecuali dan sebaliknya.
2. Tajuk-tajuk adalah untuk memudahkan rujukan sahaja dan ia tidak menjejaskan pembinaan dan tafsiran Sijil ini.
3. Perkataan-perkataan yang menunjukkan kepada bentuk satu adalah merangkumi juga bentuk jamak dan sebaliknya.
4. Rujukan kepada individu merangkumi juga koperasi-koperasi, syarikat-syarikat, firma-firma, perkongsian, badan-badan korporat, badan-badan bukan korporat atau mana-mana agensi atau badan negara atau kerajaan.
5. Di mana ada dua (2) orang atau lebih terangkum di dalam apa-apa istilah yang digunakan di sini, semua persetujuan-persetujuan, terma-terma, ketetapan-ketetapan, peraturan-peraturan, ketentuan-ketentuan dan jaminan- jaminan yang terkandung di sini dianggap dibuat oleh dan mengikat orang-orang tersebut secara bersama.
6. Rujukan-rujukan kepada Fasal-Fasal dan Jadual-Jadual kecuali dinyatakan sebaliknya harus ditafsirkan sebagai rujukan kepada Fasal-Fasal dan Jadual-Jadual Sijil ini.
7. Kecuali apabila konteksnya menghendaki sebaliknya, atau dinyatakan secara nyata, setiap rujukan kepada mana-mana “undang-undang, penggubalan (undang-undang), statut atau peraturan-peraturan”, ianya bererti , “undang-undang, penggubalan, statut atau peraturan-peraturan” Brunei Darussalam yang berkuatkuasa kini dan termasuk juga undang-undang awam (*common law*) atau adat, mana-mana undang-undang perlembagaan, perintah, penghakiman, penggubalan, perintah, ordinan, peraturan, statut, perjanjian atau ukuran perundangan yang lain, atau perintah masa kini atau masa hadapan, keperluan kepada peraturan-peraturan, keperluan (dalam setiap kes, sama ada wujud penguatkuasaan undang-undang atau tidak tetapi jika tiada penguatkuasaan undang-undang, kesesuaian dengan amalan perseorangan kepada orang yang ditujukan perintah-perintah, peraturan-peraturan, permintaan arahan, atau syarat-syarat tersebut).
8. Kecuali jika dinyatakan sebaliknya, semua rujukan kepada sebuah waktu dalam hari adalah dirujuk kepada waktu Brunei.
9. Semua rujukan kepada penggubalan (undang-undang), statut-statut dan peraturan-peraturan merangkumi juga semua pindaan-pindaan dan penggantian-penggantian yang mungkin dikuatkuasakan dari masa ke semasa.
10. Jadual ini merupakan bahagian yang tidak terpisah daripada Sijil ini dan harus diambil, dibaca dan ditafsirkan sebagai bahagian yang perlu dalam Sijil ini.
11. Setiap kebebasan, kuasa, hak, pilihan atau budi bicara yang boleh dilaksanakan atau penentuan yang mungkin dibuat oleh Syarikat dapat dilaksanakan, atau dibuat dengan budi bicara Syarikat secara mutlak dan Syarikat tidak mempunyai tanggungjawab untuk memberi apa-apa alasan sekalipun.

## **Sijil Takaful Keluarga Berkelompok Bagi Guru-Guru dan Penuntut-Penuntut**

---

### **BAHAGIAN 2 : TERMA-TERMA DAN SYARAT-SYARAT**

#### **1. TEMPOH BERTENANG**

Jika Peserta mendapati bahawa Sijil tidak memenuhi kehendaknya, Peserta bolehlah mengembalikan Sijil dalam tempoh empat belas (14) hari daripada tarikh bermulanya Sijil. Dalam keadaan sedemikian, dengan syarat tiada tuntutan dibuat sepanjang tempoh Sijil berjalan, Peserta berhak bagi pengembalian penuh sumbangan yang telah dibayar tanpa keuntungan ditolak perbelanjaan perubatan yang ditanggung oleh syarikat bagi mempertimbangkan permohonannya

#### **2. PERJANJIAN**

Sijil ini, Jadual dan mana-mana endosmen kepada Sijil atau Jadual haruslah dibaca bersama, dan mana-mana perkataan atau ungkapan di mana makna yang khas telah diberikan di mana-mana bahagian Sijil ini atau Jadual adalah mempunyai makna yang sama di mana-mana ianya terdapat.

#### **3. PRASYARAT KEPADA TANGGUNGAN**

Pematuhan dan pelaksanaan kepada terma-terma, peraturan-peraturan dan endosmen-endosmen Sijil ini setakat mana yang berkaitan dengan apa-apa yang perlu dilakukan atau dipatuhi oleh Peserta dan kebenaran pernyataan-pernyataan dan jawapan-jawapan di dalam Borang Cadangan dan Akuan hendaklah merupakan prasyarat kepada apa-apa tanggungan Syarikat bagi membuat apa-apa bayaran di bawah Sijil ini.

Sebagai tambahan Orang yang Dilindungi mestilah memberi kerjasama sepenuhnya kepada Sarikat dan juga penasihat-penasihat perubatan Syarikat dan akan memberikan semua butiran dan hal-hal yang diketahui atau patut diketahui oleh Orang yang Dilindungi dengan sepenuhnya dan sejujurnya, dan akan jika diminta melaksanakan mana-mana dokumen untuk memberi kuasa kepada Syarikat untuk mendapatkan maklumat yang berkaitan , atas perbelanjaan Orang yang Dilindungi, dari mana-mana Doktor atau Hospital atau dari sumber yang lain.

#### **4. REKOD DAN LAPORAN**

Peserta hendaklah memberi maklumat berkaitan dengan pekerja baru dan keluarga mereka yang diperlindungi dan pekerja dan orang di bawah tanggungan mereka yang ditamatkan perlindungannya yang mungkin diperlukan oleh Syarikat bagi menguruskan perlindungan secara berkala. Atas permintaan Syarikat, tidak lebih daripada sekali setahun, Peserta harus memberi kenyataan kepada Syarikat tentang umur, pekerjaan dan maklumat lain yang berkaitan mengenai pekerja yang dikira munasabah untuk mempunyai kaitan dengan utusan pentadbiran takaful ini dan penentuan kadar sumbangan takaful masa depan. Maklumat dan rekod tersebut adalah terbuka untuk pemeriksaan Syarikat pada bila-bila masa dianggap munasabah.

#### **5. PERUBAHAN PERNIAGAAN, PEKERJAAN ATAU KEADAAN FIZIKAL.**

Setiap perubahan yang ada di dalam istiharan dari apa yang dinyatakan sebelumnya di dalam Borang Cadangan, yang mana menurut pendapat Syarikat, ia mungkin akan meningkatkan risiko tuntutan atau perubahan pada Jadual Sijil hendaklah diberitahu atau perhubungan secara bertulis dengan surat berdaftar atau disampaikan secara peribadi kepada Syarikat serta merta. Ini termasuk apa-apa pertukaran alamat, perniagaan, pekerjaan, dan perdagangan. Notis serta merta mengenai

## **Sijil Takaful Keluarga Berkelompok Bagi Guru-Guru dan Penuntut-Penuntut**

---

kecederaan, penyakit, kecacatan fizikal atau hilang upaya Orang yang Dilindungi mestilah juga dibuat. Syarikat tidak akan bertanggung jawab untuk membayar manfaat takaful berikutan kegagalan untuk berbuat demikian.

### **6. FAKTA TIDAK DIDEHAHKAN**

Jika terbukti adanya salah penakrifan atau fakta yang tidak didedahkan, Sijil ini akan hilang sahlaku dan Syarikat tidak akan bertanggung jawab untuk membayar manfaat takaful.

### **7. BUKTI UMUR**

Syarikat berhak pada bila-bila masa meminta umur mana-mana Orang yang Dilindungi di bawah Sijil ini yang mana ianya hendaklah dibuktikan memuaskan.

Bukti umur Orang yang Dilindungi yang memuaskan Syarikat adalah dikehendaki sebelum apa-apa manfaat baginya dibayar di bawah Sijil ini.

### **8. PERUBAHAN PADA SIJIL**

Sijil ini, boleh pada bila-bila masa, dipinda dan diubah, tanpa persetujuan Orang yang Dilindungi atau mana-mana yang mempunyai kepentingan di bawahnya, melalui permintaan secara bertulis oleh Peserta dan dipersetujui oleh Syarikat, tetapi apa-apa pindaan adalah tanpa prasangka kepada mana-mana tuntutan yang timbul sebelum tarikh perubahan tersebut dan tertakluk kepada syarat-syarat dan peruntukan-peruntukan yang akan ditetapkan oleh Syarikat.

Tiada pindaan Sijil ini akan dikira sah kecuali dibuktikan melalui endosmen yang ditandatangani oleh pegawai yang diberi kuasa dari Syarikat.

### **9. TIADA PENYERAHAN HAK**

Manfaat di bawah Sijil ini tidak boleh diserahkan hak.

### **10. KEADAAN-KEADAAN KESIHATAN YANG SEDIA WUJUD**

Tiada Manfaat yang kena dibayar di bawah Sijil ini bagi perlindungan mana-mana Orang yang Dilindungi akibat daripada penyakit atau kecederaan yang berlaku sebelum berkuatkuasa Sijil ini kecuali Orang yang Dilindungi tersebut telah pun dilindungi di bawah Sijil untuk jangka masa dua belas (12) bulan berterusan.

### **11. SALAH MELAPORKAN UMUR**

Sekiranya, pada umur betul, Orang yang Dilindungi adalah sepatutnya tidak layak bagi perlindungan di bawah Sijil ini, tiada manfaat yang kena dibayar.

### **12. PENCEGAHAN KEMALANGAN DAN PENYAKIT**

Peserta mestilah mengambil tindakan pencegahan yang wajar untuk mengelakkan Orang yang Dilindungi daripada kemalangan dan penyakit dan harus mematuhi semua kewajipan undang-undang.

## **Sijil Takaful Keluarga Berkelompok Bagi Guru-Guru dan Penuntut-Penuntut**

---

### **13. PEMBAHARUAN DAN PEMBATALAN SIJIL**

Syarikat adalah tidak terikat untuk menerima apa-apa pembaharuan Sijil ini atau untuk menghantar notis pembaharuan sumbangan takaful yang telah genap tempohnya. Sijil tidak akan diperbaharui bagi melindungi Orang yang Dilindungi setelah tamat tempoh takaful ketika orang yang dilindungi berkenaan mencapai umur seperti yang dinyatakan dalam Jadual. Syarikat adalah berhak untuk mengubah terma-terma dan peraturan-peraturan Sijil ini pada setiap ulang tahun Sijil.

Sijil ini boleh dibatalkan oleh Peserta dengan memberi sekurang-kurangnya tujuh (7) hari notis kepada Syarikat, notis tersebut adalah untuk menyatakan bila pembatalan tersebut akan berkuatkuasa.

Dalam hal demikian, asalkan tidak ada tuntutan telah dibuat selama tempoh Sijil berjalan, Peserta berhak untuk mendapat kembali sumbangan takaful bersih (selepas ditolak yuran wakalah) yang dikira berdasarkan pro-rata untuk tempoh takaful yang masih belum luput dengan syarat Syarikat tidak dimaklumkan apa-apa tuntutan.

Sijil ini boleh dibatalkan oleh Syarikat dengan memberikan notis pembatalan bertulis kepada Peserta ke alamat perniagaan yang tertera di dalamnya, menyatakan masa, tidak kurang dari tujuh (7) hari selepas itu, pembatalan tersebut akan berkuatkuasa. Demikian juga dengan pulangan sumbangan bersih (selepas ditolak yuran wakalah) secara pro-rata untuk tempoh takaful yang masih belum luput akan dikembalikan kepada Peserta untuk pembatalan ini dengan syarat Syarikat tidak dimaklumkan apa-apa tuntutan.

### **14. BAYARAN PERKHIDMATAN**

Dalam hal sijil ini diendoskan atau dibatalkan, Syarikat akan mengenakan bayaran BND10.00 untuk setiap Sijil.

Tiada bayaran perkhidmatan dikenakan bagi Sijil yang diserahkan dalam tempoh bertenang.

### **15. TIMBANGTARA**

Semua perbezaan-perbezaan yang timbul daripada Sijil ini hendaklah dirujuk kepada keputusan seorang penimbangtara yang dilantik secara bertulis oleh pihak-pihak yang berbeza pendapat atau jika mereka tidak bersetuju terhadap penimbangtara tunggal, maka kepada kelulusan dua (2) orang penimbangtara, seorang dilantik secara bertulis oleh setiap pihak dalam masa satu (1) bulan selepas diperlukan secara bertulis untuk berbuat demikian oleh mana-mana pihak atau sekiranya penimbangtara-penimbangtara itu tidak bersetuju, seorang pengadil akan dilantik secara bertulis oleh penimbangtara-penimbangtara sebelum meneliti rujukan kes berkenaan. Pengadil hendaklah bersidang dengan penimbangtara-penimbangtara dan mempengerusikan mesyuarat dan keputusan yang dibuat hendaklah merupakan syarat terdahulu kepada hak untuk membawa tindakan terhadap Syarikat. Jika Syarikat menolak tanggungjawab kepada peserta atas mana-mana tuntutan di bawah Sijil ini dan tuntutan tersebut dalam tempoh dua belas (12) bulan daripada tarikh penolakan tanggungan tersebut tidak dirujuk kepada timbangtara mengikut peruntukan-peruntukan dalam Sijil ini maka tuntutan berkenaan bagi semua tujuan dikira sebagai telah ditinggalkan dan tidak boleh dituntut lagi dibawah Sijil ini kemudiannya.

### **16. HAK SUBROGASI**

Peserta adalah, dengan perbelanjaan Syarikat, melakukan, dan bersetuju untuk melakukan, memberi izin untuk dilakukan, semua tindakan dan hal-hal yang mungkin diperlukan atau wajar dilakukan atas kehendak mereka sendiri atau sebagaimana diarahkan untuk dilakukan oleh Syarikat atau sebaliknya, untuk tujuan menegakkan semua hak dan usaha undang-undang, atau mendapatkan bantuan atau ganti rugi dari pihak lain yang Syarikat harus atau akan menjadi berhak atau subrogasi,



## **Sijil Takaful Keluarga Berkelompok Bagi Guru-Guru dan Penuntut-Penuntut**

---

selepas Syarikat membayar atau membaiki setiap kerugian atau kerosakan di bawah Sijil ini, sama ada tindakan atau hal-hal yang harus atau menjadi perlu atau keperluan sebelum atau selepas penggantian Peserta oleh Syarikat.

### **17. JAMINAN SUMBANGAN**

Sebagai syarat asas dan mutlak bagi perjanjian takaful bahawa sumbangan takaful yang kena dibayar mesti dijelaskan dan diterima oleh Syarikat dalam masa tiga puluh (30) hari daripada tarikh penyertaan Sijil / Endosmen ini.

Jika sumbangan takaful tidak diterima pada hari yang ke 30, maka perjanjian takaful akan secara automatic terbatal dan Syarikat berhak terhadap pro-rata sumbangan bagi tempoh risiko yang ia telah ditanggung tertakluk kepada sumbangan takaful minima BND50.00.

Dimana sumbangan takaful yang kena di bayar menurut jaminan ini telah diterima oleh Syarikat atau wakil Syarikat yang dibenarkan, pembayaran harus dianggap telah diterima oleh Syarikat untuk tujuan jaminan ini dan tanggungjawab untuk membuktikan bahawa sumbangan takaful yang kena dibayar telah diterima oleh seseorang, termasuk wakil Syarikat yang dibenarkan tetapi tidak dibenarkan untuk menerima sumbangan takaful tersebut, adalah terletak diatas Syarikat.

Tertakluk kepada terma-terma dan syarat-syarta sijil takaful.

### **18. PENYELARASAN MANFAAT**

Sijil ini tidak memberikan pampasan melainkan dengan asas pembahagian tertentu jika Peserta atau Orang yang Dilindungi mempunyai skim Takaful atau Insurans lain yang masih berkuatkuasa atau mempunyai kelayakan untuk mendapat bayaran daripada sumber yang lain berkaitan dengan Kemalangan, Penyakit, Kematian atau Perbelanjaan yang sama. Syarikat mempunyai hak sepenuhnya untuk menegakkan hak dan boleh mengambil tindakan undang-undang di atas nama Peserta atau Orang yang Dilindungi, tetapi di atas perbelanjaan Syarikat, untuk mendapatkan kembali manfaat Syarikat yang dibayar di bawah Sijil ini.

### **19. PEMILIHAN PEKERJA-PEKERJA**

Sebagai prasyarat kepada tanggungan Syarikat, Peserta akan mengambil langkah-langkah yang sesuai untuk memastikan kesihatan yang baik serta kesesuaian pekerja-pekerja baru adalah tepat dan tidak akan membenarkan sebagai Orang yang Dilindungi mana-mana pekerja diketahui oleh Peserta pada tarikh perkhidmatan akan memerlukan atau mungkin akan memerlukan rawatan dalaman hospital yang dilindungi oleh Sijil kecuali butiran tersebut dimaklumkan dan diterima oleh Syarikat secara bertulis sebelum perlindungan dikuatkuasakan untuk Orang yang Dilindungi tersebut.

### **20. APABILA BERLAKU PENIPUAN**

Jika mana-mana tuntutan, dalam mana-mana keadaan, didapati palsu atau berlaku penipuan atau cara penipuan atau alatan yang digunakan oleh Peserta atau Orang yang Dilindungi atau sesiapa juga yang melakukannya bagi pihak mereka untuk mengaut manfaat, maka perlindungan untuk Orang yang Dilindungi akan dibatalkan serta-merta dan kesemua manfaat dan sumbangan akan dirampas.

## **Sijil Takaful Keluarga Berkelompok Bagi Guru-Guru dan Penuntut-Penuntut**

---

### **21. PRINSIP-PRINSIP TAKAFUL DAN PEMBAHAGIAN LEBIHAN BERSIH KEUNTUNGAN**

#### **Tabarru`**

Peserta dengan ini mengamanahkan kepada Syarikat bahawasanya 62% daripada sumbangan Takaful Peserta akan didermakan ke dalam Kumpulan Wang Takaful Keluarga Berkelompok secara *Tabarru`* bagi tujuan membantu peserta-peserta yang layak di dalam Sijil ini.

#### **Wakalah**

Peserta dengan ini melantik Syarikat sebagai Wakil Peserta untuk mentadbir, mengurus, membuat pelaburan yang menepati prinsip Syariah dan mengagihkan Kumpulan Wang tersebut kepada peserta-peserta yang ditimpa musibah tertakluk kepada

terma-terma dan syarat-syarat yang tertera di dalam Sijil ini. Maka adalah dengan ini, Peserta bersetuju untuk memberikan 38% daripada sumbangan takaful kepada Syarikat sebagai Yuran Wakalah bagi perkhidmatan-perkhidmatan tersebut.

#### **Pembahagian Lebihan Bersih Keuntungan**

Peserta juga memahami bahawa lebihan bersih keuntungan yang terhasil dari Kumpulan Wang tersebut, jika ada, akan dikendalikan oleh syarikat mengikut cara-cara yang difikirkan sesuai oleh pihak Syarikat berdasarkan prinsip Syariah yang akan memberi kebaikan kepada Peserta dan Kumpulan Wang Takaful tersebut.

Sebagaimana dipersetujui dan diluluskan oleh Badan Penasihat Syariah, lebihan bersih keuntungan tersebut hanya akan diagihkan kepada Sijil yang diperbaharui di Syarikat dan Peserta tidak membuat tuntutan dan / atau menerima apa-apa pampasan dan/atau manfaat di bawah Perjanjian takaful dalam tempoh ia berkuatkuasa yang mana ianya juga tertakluk kepada budi bicara Syarikat dan keutuhan Kumpulan Wang Takaful berkenaan. Jika sijil takaful tidak diperbaharui, maka dengan ini, peserta selanjutnya bersetuju bahawasanya tiada lebihan bersih akan diagihkan kepada peserta dan ianya akan ditabarru`kan ke dalam Kumpulan Wang Takaful Keluarga bagi kemaslahatan peserta-peserta takaful dan Kumpulan Wang itu sendiri.

### **22. PEMBAYARAN SUMBANGAN TIDAK DIJAMIN**

Sumbangan Takaful yang perlu dibayar adalah tidak dijamin dan pihak Syarikat mempunyai hak untuk menyemak semula sumbangan takaful yang perlu dibayar berdasarkan pengalaman tuntutan yang akan datang.

### **23. TAKAFUL SEMULA (INSURANS SEMULA)**

Pihak Syarikat boleh mengikut budi bicaranya, mendapatkan perlindungan takaful semula (insurans semula) daripada mana-mana sumber yang difikirkan sesuai bagi kepentingan Peserta.

## **Sijil Takaful Keluarga Berkelompok Bagi Guru-Guru dan Penuntut-Penuntut**

---

### **BAHAGIAN 3: KELAYAKAN**

Pada tarikh kuatkuasa perlindungan, Orang yang Dilindungi hendaklah:

1. Orang Dewasa berumur Harijadi Akan Datang antara lapan belas (18) hingga enam puluh lima (65) tahun;
2. Anak berumur Harijadi Akan Datang antara enam (6) bulan hingga tujuh belas (17) tahun;
3. Warganegara Brunei atau Pemastautin di Brunei Darussalam.

**BAHAGIAN 4 : PERLINDUNGAN****1. KEMATIAN DAN KEILATAN KEKAL SELURUH TUBUH BADAN DISEBABKAN OLEH SEBAB BIASA ATAU PENYAKIT**

Sekiranya berlaku kematian ke atas Orang yang Dilindungi di bawah Sijil ini, Syarikat, dengan bukti yang memuaskan, akan membayar manfaat yang kena dibayar di bawah Sijil ini kepada Peserta tertakluk kepada pengecualian-pengecualian.

Setelah diterima dan diluluskan bukti bahawa mana-mana Orang yang Dilindungi di bawah Sijil Asas dan Fasal ini, mengalami Keilatan Kekal Seluruh Badan seperti yang ditakrifkan, Syarikat tertakluk kepada peruntukan-peruntukan lain dalam Fasal ini, membayar kepada Peserta mengikut yang ditetapkan di Jadual Manfaat-Manfaat.

Jika berlaku Kematian dan Keilatan Kekal Seluruh Tubuh Badan, tanggungan Syarikat adalah terhad kepada satu kejadian sahaja yang mana terdahulu.

**2. KEMATIAN DAN KEILATAN KEKAL SELURUH TUBUH BADAN DISEBABKAN OLEH KEMALANGAN**

Syarikat akan membayar kepada Peserta sejumlah wang jika sekiranya mana-mana Orang yang Dilindungi mendapat Kecederaan Tubuh Badan yang disebabkan oleh kemalangan luaran yang hebat dan tidak sengaja dan dengan cara yang boleh dilihat yang bebas daripada sebab-sebab lain yang mengakibatkan:

- A. **KEMATIAN** yang berlaku dalam tempoh dua belas (12) bulan daripada kecederaan tubuh badan seperti yang tersebut di atas.
- B. **KEILATAN KEKAL** seperti yang disenaraikan dalam Jadual Manfaat yang berlaku dalam tempoh dua belas (12) bulan daripada kecederaan tubuh badan seperti yang tersebut di atas. Jika sekiranya Keilatan Kekal adalah tertakluk kepada penilaian Jabatan Buruh, Brunei Darussalam, maka penilaian tersebut akan digunakan.

Jika semasa Keilatan, berlaku kematian Orang yang Dilindungi, Syarikat tertakluk kepada bukti, membayar baki manfaat Kematian Kemalangan yang kena dibayar dibawah Sijil Asas.

Jika berlaku Kematian Kemalangan dan Keilatan Kekal disebabkan kemalangan, tanggungan Syarikat adalah terhad kepada satu kejadian sahaja yang mana terdahulu.

**3. MANFAAT PERBELANJAAN PERUBATAN DISEBABKAN OLEH KEMALANGAN**

Apabila Orang yang Dilindungi menanggung kos perubatan, pembedahan atau perbelanjaan hospital berhubung dengan kecederaan tubuh badan yang diakibatkan secara langsung dan keseluruhan disebabkan oleh kemalangan luaran yang hebat dan dengan cara yang boleh dilihat, Syarikat akan membayar kepada Peserta kos-kos yang terbabit tetapi tidak melebihi jumlah yang dinyatakan pada Jadual ke atas Orang yang Dilindungi akibat daripada mana-mana kemalangan.

Adalah menjadi prasyarat kepada tanggungan Syarikat untuk mendapat perincian maklumat yang memuaskan mengenai kemalangan dan rawatan perubatan yang diterima sebelum sebarang pembayaran manfaat takaful dibuat.

Pembayaran balik manfaat takaful hanya akan dibayar sekiranya perbelanjaan perubatan atau pembedahan tersebut dilakukan oleh Doktor dalam tempoh masa takaful tertakluk kepada Kecederaan yang menimpa selepas tarikh mula masuk.

## Sijil Takaful Keluarga Berkelompok Bagi Guru-Guru dan Penuntut-Penuntut

### 4. ELAUN HOSPITAL DISEBABKAN OLEH KEMALANGAN

Sekiranya mana-mana Orang yang Dilindungi di bawah Fasal ini dimasukkan ke dalam mana-mana wad hospital seperti yang ditakrifkan kemudian daripada ini, atas perakuan seorang Doktor, Syarikat atas penerimaan dan kelulusan bukti, akan membayar Manfaat Tunai Wad Hospital sebagaimana yang dinyatakan dalam Jadual Sijil Asas bagi:-

- i. Kecederaan yang menimpa selepas tarikh mula masuk, atau pada tarikh penguatkuasaan semula Fasal ini, yang mana terkemudian, di mana Orang yang Dilindungi hendaklah dimasukkan ke wad hospital untuk tempoh sekurang-kurangnya dua belas (12) jam berterusan, tetapi tidak melebihi tiga puluh (30) hari.

Dalam apa-apa jua keadaan sekalipun, Syarikat tidak akan membayar lebih daripada satu Elaun Hospital bagi setiap hari kemasukan ke wad hospital.

#### JADUAL MANFAAT-MANFAAT KEILATAN KEKAL

Keterangan Penyakit / Kecederaan	Peratusan Perlindungan
1. Hilang Penglihatan	
(a) Kedua-dua mata	100%
(b) Sebelah mata	50%
2. Hilang Pendengaran	
(a) Kedua-dua telinga	100%
(b) Sebelah telinga	50%
3. Hilang Kuasa Pertuturan	50%
4. Hilang Tangan	
(a) Pada bahu	50%
(b) Bawah pergelangan tangan	50%
5. Hilang kaki	
(a) Pada pengkal paha	50%
(b) Di bawah paras lutut	50%
6. Hilang	
(a) Empat batang jari dan ibu jari sebelah tangan	50%
(b) Empat batang jari sebelah tangan	40%
(c) Ibu jari	
- Kedua-dua ruas	25%
- Satu ruas	10%
(d) Jari Telunjuk	
- Ketiga-tiga ruas	10%
- Kedua-dua ruas	8%
- Satu ruas	4%

**Sijil Takaful Keluarga Berkelompok Bagi Guru-Guru dan Penuntut-Penuntut**


---

(e) Jari Hantu	
- Ketiga-tiga ruas	6%
- Kedua-dua ruas	4%
- Satu ruas	2%
(f) Jari Manis	
- Ketiga-tiga ruas	5%
- Kedua-dua ruas	4%
- Satu ruas	2%
(g) Jari Kelingking	
- Ketiga-tiga ruas	4%
- Kedua-dua ruas	3%
- Satu ruas	2%
(h) Tulang Tapak Tangan	
- Pertama atau kedua (tambahan)	3%
- Ketiga, Keempat atau kelima (tambahan)	2%
(i) Jari Kaki	
- Kesemua	15%
- Ibu Jari, Kedua-dua ruas	5%
- Ibu Jari, satu ruas	2%
- Lain-lain jari, sekiranya lebih dari sebatang, tiap-tiap satu	1%

Kehilangan bagi tangan dan kaki bererti hilang fungsi; bagi mata, hilang daya penglihatan sepenuhnya dan tidak dapat dipulihkan semula.

Hilang upaya kekal mana-mana anggota akan dikira sebagai hilang anggota tersebut.

Sekiranya keilangan tidak tercatat diatas selain daripada hilang deria rasa atau bau, Syarikat akan mengambil peratusan keilangan yang mana menurut pendapat Syarikat selari dengan peruntukan di atas dan tanpa mengambil kira pekerjaan Orang yang Dilindungi.

Jumlah keseluruhan peratusan layak dibayar berkaitan dengan satu-satu Keilangan dan dalam setiap tempoh Takaful tidak boleh melebihi 100% daripada jumlah perlindungan.

**BAHAGIAN 5: PENGECUALIAN - PENGECUALIAN****1. MANFAAT KEMATIAN DISEBABKAN OLEH SEBAB BIASA ATAU PENYAKIT**

Syarikat tidak akan membayar manfaat takaful jika kematian Orang yang Dilindungi disebabkan secara langsung atau tidak langsung daripada:

- a. Keadaan- keadaan sedia ada sebagaimana ditakrifkan dan/atau sebagaimana dipersetujui oleh pihak Syarikat secara bertulis sebelum Tarikh Kuatkuasa Sijil;
- b. Peperangan, pelanggaran, tindakan musuh asing, permusuhan atau operasi-operasi berupa peperangan (sama ada peperangan diistiharkan atau tidak), perang saudara, pemberontakan tentera, kegemparan awam yang menyumbangkan kepada rusuhan tentera, kebangkitan, pemberontakan, rampasan kuasa atau apa sahaja tindakan atau orang yang bertindak bagi pihak atau yang berkaitan dengan mana-mana pertubuhan yang bergiat ke arah penggulingan secara kekerasan mana-mana kerajaan atau mempengaruhinya dengan menggunakan keganasan atau kekerasan;
- c. Mana-mana tindakan yang menyalahi undang-undang atau tindakan tersebut dilarang oleh undang-undang dan/atau Prinsip Syariah;
- d. Bunuh diri;
- e. Berada di bawah pengaruh arak, penyalahgunaan dadah, bahan-bahan yang mengkhayalkan;
- f. Secara langsung atau tidak langsung dijangkiti penyakit Sindrom Kurang Daya Tahan (AIDS) atau yang berkaitan dengannya.

**2. KEILATAN KEKAL SELURUH TUBUH BADAN DAN KEMATIAN KEMALANGAN**

Syarikat tidak akan membayar manfaat takaful jika Keilatan Kekal Seluruh Badan atau Kematian Kemalangan Orang yang Dilindungi disebabkan secara langsung atau tidak langsung daripada:

- a. Keadaan- keadaan sedia ada sebagaimana ditakrifkan dan/atau sebagaimana dipersetujui oleh pihak Syarikat secara bertulis sebelum Tarikh Kuatkuasa Sijil;
- b. Peperangan, pelanggaran, tindakan musuh asing, permusuhan atau operasi-operasi berupa peperangan (sama ada peperangan diistiharkan atau tidak), perang saudara, pemberontakan tentera, kegemparan awam yang menyumbangkan kepada rusuhan tentera, kebangkitan, pemberontakan, rampasan kuasa atau apa sahaja tindakan atau orang yang bertindak bagi pihak atau yang berkaitan dengan mana-mana pertubuhan yang bergiat ke arah penggulingan secara kekerasan mana-mana kerajaan atau mempengaruhinya dengan menggunakan keganasan atau kekerasan;
- c. Mana-mana tindakan yang menyalahi undang-undang atau tindakan tersebut dilarang oleh undang-undang dan/atau Prinsip Syariah;

### **Sijil Takaful Keluarga Berkelompok Bagi Guru-Guru dan Penuntut-Penuntut**

---

- d. Cubaan membunuh diri atau kecederaan yang dilakukan oleh diri sendiri samada dalam keadaan waras atau gila;
- e. Mana-mana pelanggaran undang-undang oleh Orang yang Dilindungi termasuk yang mengakibatkan hukuman penjara atau pencerobohan berpunca daripadanya;
- f. Berada di bawah pengaruh arak, penyalahgunaan dadah, bahan-bahan yang memabukkan;
- g. Penerbangan, gelungsur angin atau apa-apa jenis penerbangan udara selain daripada penumpang yang membayar tambang biasa daripada syarikat penerbangan atau perkhidmatan charter yang diiktiraf;
- h. Penyertaan atau latihan yang merbahaya atau atau latihan jenis sukan atau pertandingan yang merbahaya atau menunggang atau memandu dalam apa jua jenis perlumbaan atau pertandingan yang merbahaya;
- i. Penglibatan dalam mana-mana kegiatan dalam air yang menggunakan alat-alat pernafasan;
- j. Kecederaan yang disebabkan oleh letusan nuklear, gabungan nuklear, bahan senjata nuklear atau pencemaran radioaktif;
- k. Perkhidmatan dalam apa-apa jenis kedudukan dalam mana-mana perkhidmatan tentera laut, tentera darat, tentera udara, polis atau anggota keselamatan;
- l. Secara langsung atau tidak langsung dijangkiti penyakit Sindrom Kurang Daya Tahan (AIDS) atau yang berkaitan dengannya;

### **3. PERBELANJAAN PERUBATAN DAN ELAUN HOSPITAL DISEBABKAN OLEH KEMALANGAN**

Sebagai tambahan kepada Pengecualian Am dibawah Sijil Asas, Fasal ini tidak melindungi Perbelanjaan Perubatan dan Elaun Hospital berkaitan dengan:-

- a. Kos atau bayaran yang dikenakan terhadap penyakit;
- b. Keadaan- keadaan sedia ada sebagaimana ditakrifkan dan/atau sebagaimana dipersetujui oleh pihak Syarikat secara bertulis sebelum Tarikh Kkuatkuasa Sijil;



## **Sijil Takaful Keluarga Berkelompok Bagi Guru-Guru dan Penuntut-Penuntut**

---

### **BAHAGIAN 6 : TUNTUTAN**

#### **1. NOTIS TUNTUTAN**

Notis secara bertulis mengenai kejadian yang menjadi asas kepada tuntutan di bawah Sijil ini mesti dikemukakan kepada Syarikat dalam tempoh tiga puluh (30) hari daripada tarikh kejadian berkenaan. Notis yang diberikan oleh atau bagi pihak Peserta kepada Syarikat dengan maklumat-maklumat yang secukupnya bagi mengenal pasti Orang yang Dilindungi adalah dianggap sebagai notis kepada Syarikat.

Dengan syarat bahawa Orang yang Dilindungi telah mengalami Keilatan Kekal Seluruh Tubuh Badan, di atas bukti kukuh dan nyata hendaklah diserahkan kepada Syarikat selepas enam (6) bulan dan dalam tempoh sembilan (9) bulan daripada tarikh berlakunya Keilatan tersebut. Walau bagaimanapun kegagalan untuk mengemukakan notis dalam tempoh yang dinyatakan tidak akan membatalkan tuntutan jika dapat dibuktikan adalah tidak munasabah bagi Peserta mengemukakan notis dalam tempoh tersebut dan notis tersebut telah dikemukakan dalam tempoh yang berpatutan.

#### **2. PEMERIKSAAN**

Syarikat mempunyai hak dan kesempatan melalui wakil perubatannya untuk memeriksa Orang yang Dilindungi bila dan seberapa kerap yang ia dapati munasabah semasa atau dalam tempoh proses tuntutan dibuat di bawah Sijil ini, dan bagi kes kematian, untuk menyiasat punca kematian tersebut.

#### **3. BUKTI TUNTUTAN**

Semua dokumen, maklumat, dan bukti yang diperlukan oleh Syarikat hendaklah dibuat atas perbelanjaan orang yang membuat tuntutan dan dalam bentuk dan sifat yang ditentukan oleh Syarikat.

#### **4. PEMBAYARAN TUNTUTAN**

Apa-apa pembayaran di bawah Sijil ini akan dibayar kepada Peserta dan Peserta harus bertanggungjawab bagi apa-apa duti harta pusaka yang mungkin dikenakan ke atasnya. Apa-apa resit atau pelepasan yang diberikan oleh Peserta kepada Syarikat bagi mana-mana manfaat di bawah Sijil ini akan dianggap sebagai muktamad dan pelepasan sepenuhnya semua tanggungan Syarikat.

#### **5. PEMBAHAGIAN SEBAGAIMANA KADAR**

Tertakluk kepada tanggungan maksima di bawah sijil ini, jika ketika timbul tuntutan di bawah sijil ini dan juga ada takaful/insurans lain yang masih berkuatkuasa, sama ada atas Peserta atau orang atau orang-orang lain, yang juga melindungi Orang yang Dilindungi, Syarikat tidak bertanggungjawab untuk membayar atau menyumbang lebih daripada bahagiannya secara penisbahan di atas tuntutan tersebut dan dalam kaitannya dengan tanggungan maksima syarikat di bawah sijil ini.

## **Sijil Takaful Keluarga Berkelompok Bagi Guru-Guru dan Penuntut-Penuntut**

---

### **6. PEMBATASAN HAD**

Dengan ini dinyatakan bahawa jika tiada notis tuntutan diserahkan oleh Orang yang Dilindungi kepada Syarikat dalam masa 6 bulan selepas berakhirnya Sijil ini, Syarikat tidak akan bertanggung jawab untuk mengganti kerugian Peserta di bawah ini Sijil terhadap apa-apa tuntutan sekalipun oleh Orang yang Dilindungi ke atas Peserta.

### **7. PENIPUAN TUNTUTAN**

Jika tuntutan dalam hal apapun adalah penipuan atau jika ada istiharan palsu dibuat atau digunakan untuk menyokongnya, atau jika apa-apa cara penipuan atau helah digunakan oleh Peserta atau siapa-siap sahaja yang bertindak bagi pihaknya untuk mendapatkan apa-apa manfaat di bawah Sijil ini, atau jika tuntutan disebabkan oleh tindakan sengaja atau dengan sepakatan Peserta, semua manfaat di bawah ini Sijil akan terbatal. Jika ada bayaran yang telah dibuat oleh Syarikat, maka Syarikat mempunyai hak untuk mendapat semula bayaran tersebut serta mengambil tindakan undang-undang terhadap Peserta.

### **8. TINDAKAN UNDANG-UNDANG**

Tiada tindakan undang-undang atau yang sebanding boleh diambil untuk mendapatkan bayaran tuntutan sebelum tamatnya tempoh satu (1) tahun atau setelah luput dua (2) tahun daripada tarikh kejadian.

### **BUTIRAN PERHUBUNGAN TUNTUTAN**

Sila hubungi:

Jabatan Tuntutan,  
Unit 1 & 2 Kompleks Seri Kiulap,  
Kg. Kiulap, Gadong,  
Bandar Seri Begawan BE1318,  
Negara Brunei Darussalam

No. Telefon : +673 2231 100

**Naskah Bahasa Inggeris adalah Sijil yang sah dan akan dirujuk sekiranya timbul apa-apa pertikaian daripada Sijil ini.**